



Kathĩna aamũkie e mũselee. Aamũkie saa ũmwe
wa kĩoko. Andũ ala angĩ onthe maamũkie tene. Na
onthe mamũtheka nũndũ wa kũselewa.





Kwaĩ wa kwambĩĩya. Kathĩna aĩ mĩselee kũthi
sukulu. Eeyũmbania kwa mĩtũki mũno. Asũanĩaa
ũndũ ũkũthi kũtavya mwalimũ.



Kathĩna aĩ na kĩmako. Kathĩna eekia ngũa sya
sukulu na mĩtũkĩ. Na oosa mũvuko aseмба sukulu.





Kathĩna nĩwasembie mũvaka sukulu. Andũ nzĩanĩ
nĩmamũsiĩsye mũno. Īndĩ ũu ndwaĩ ũndũ kwake.
Ndendaa kwĩthĩwa e mũselee sukulu.





Kathina avikie sukulu e mūselee. mwalimū wake ndaaĩw'a mūyo nūndū wake. “Ūkĩte sukulu wĩ mūselee nĩkĩ?” mwalimū nĩwamūkūlilye. “Nĩamūkie nĩ mūselee.” Kathina nĩwasūngĩie.



“Nĩkĩ wĩkĩite sati ũte waku wa sukulu?” mwalimũ
nĩwamũkũlilye Kathĩna. Kathĩna eesisya, eethĩa
ekĩite sati wa mwĩtu- a- iny’ a. Aseng’ a nũndũ sati
waĩna kĩko na mũnene kwake.





Kathĩna nĩwalilikanile kana ndaakethya asyai make ayuma mũsyĩ. Keka nĩwamakethisye, methĩwa mamũtavisye ĩũlũ wa sati ũsu. Nĩwalilikanile ũndũ andũ mamũsiasya nzĩanĩ. Kĩĩ nĩkyo kĩtumi?





Kathĩna nĩwatelemile mũno. Asũania amũkenge
mwalimũ. Endaa kũmwĩa sati wake nĩ mũtembũku.
Ĩndĩ alikikana ti ũseo kũkengana.





Kathĩna nĩwamũsiisye mwalimũ. Mwalimũ aĩ
mũthatu kwoou Kathĩna akĩa. Ndaamũkenga
mwalimũ.





“Nĩamũkie nĩ mũselee. Kwoou numie mũsyĩ na mĩtũkĩ. Na neekĩa sati wa mwĩitu-a- mwaitũ kwa mavĩtyo.” Kathĩna nĩwatavisye mwalimũ.





Mwalimũ nĩwamũtavisye Kathĩna nĩamũkae tene kĩla mũthenya. Kathĩna nĩwailwe nĩ kũkoomaa tene na kũya lĩu wake wa kĩoko. Nĩwaĩle kwĩkĩa ngũa ila syaĩle sya sukulu.





Mwalimũ nĩwamũtavisye Kathĩna osanie mavuti.

Ũũ nĩ kwoondũ wa kũselewa sukulu. Kathĩna
nĩweetisye ũkeo nũndũ wa kũselewa. Nake
mwalimũ amũekea na amwĩa athi kĩlasinĩ.

